

Áætlun Fossvogsskóla um samstarf við foreldra 2014-17

Samstarf skólans og heimila

Velferð barna og farsæl námsframvinda byggist ekki síst á því að foreldrar styðji við skólagöngu barna sinn og gæti hagsmuna þeirra í hvívetna, eigi gott samstarf við skóla, veiti skólanum viðeigandi upplýsingar og taki þátt í námi barna sinna og foreldrastarfi frá upphafi til loka grunnskóla. Upplýsingagjöf milli heimila og skóla og samráð kennara og foreldra um nám og kennslu er mikilvæg forsenda fyrir árangursríku skólastarfi. Skólar bera ábyrgð á að slíkt samstarf komist á og því sé viðhaldið alla skólagöngu barnsins. Virk hlutdeild og þátttaka foreldra í námi og starfi barna sinna er forsenda þess að foreldrar geti axlað þá ábyrgð sem þeir bera á farsælu uppeldi og menntun barna sinna. (Aðalnámskrá 2011, bls. 45)

Gott samstarf skólans og heimila er ein af forsendum góðs skólastarfs og vellíðunar nemenda í skólanum. Til þess að samskipti verði góð og árangursrík þurfa skólastjórnendur, kennarar og foreldrar að leggja sitt af mörkum. Foreldrar og forráðamenn bera frumábyrgð á uppeldi barna sinna. Skólinn aðstoðar þá í uppeldishlutverkinu og skapar menntunartækifæri. Menntun og velferð nemenda er sameiginlegt verkefni skólans og heimilanna. Umsjónarkennari er tengiliður skólans við heimilin. Hann er í samskiptum við foreldra um þau mál sem snerta einstaka nemendur og annað sem eingöngu snýr að starfi bekkjarins. Fossvogsskóli er opinn skóli og foreldrar eru ávallt velkomnir. Það sem gengur best eru viðburðir þar sem nemendur koma með foreldrum sínum. Foreldrar mæta þegar börnin eru með og það stuðlar að bættu samstarfi heimilis og skóla. Hægt er að bæta námsárangur og líðan barna með aukinni hlutdeild foreldra í skólastarfinu

Stefna Leikskóla- og Menntasviðs Reykjavíkurborgar 2014 er að vinna markvisst með foreldrum að uppeldi og menntun barna þeirra en saman ná foreldrar og skóli betri árangri en þeir geta hvor um sig. Foreldrar séu virkir þátttakendur, ábyrgir og upplýstir samstarfsaðilar. Ennfremur að allir grunnskólar borgarinnar setji sér áætlun um samstarfið sem er samofin stefnu og starfsáætlun skólans. Samkvæmt stefnu Skóla- og frístundasviðs 2014:18 skal unnið í skólunum markviss, samræmd upplýsingamiðlun og fræðsla til foreldra og nemenda.

Foreldrastarf í Fossvogsskóla er sem hér segir:

- Í upphafi skólaárs eru skólakynningar í öllum árgöngum. Sérstakt námskeið er haldið fyrir foreldra nemenda í 1. bekk. Á hverju vori er foreldrum verðandi 1. bekkinga og börnum þeirra boðið í kynningu á stefnu skólans og skólastarfinu almennt..
- Foreldraviðtöl eru a.m.k. tvisvar á skólaárinu og koma foreldrar ásamt nemanda í viðtalið.
- Kennarar hafa fastan símaviðtalstíma.
- Á heimasíðunni eru nýjustu fréttir og allar upplýsingar fyrir foreldra

- Kennarar senda eftir þörfum heim upplýsingar um starfið í bekknum. Virk upplýsingagjöf stuðlar að trausti á milli foreldra og starfsfólks skólans
- Hver hópur er með bekkjarkvöld a.m.k. einu sinni yfir veturinn.
- Opið hús og ýmsar skemmtanir þar sem foreldrum er boðið.
- Tölvupóstur er nýttur til samskipta við foreldra vegna málefni er varða skólastarf.
- Skólastjórnendur bjóða foreldrum hvers árgangs í morgunkaffi einu sinn yfir veturinn.

Skólaráð

Skólaráð er samráðsvettvangur skólastjóra og skólasamfélags um skólahald. Skólaráð tekur þátt í stefnumörkun fyrir skólann og mótun sérkenna hans. Ráðið fjallar um skólanámskrá, starfsáætlun, rekstraráætlun og aðrar áætlanir um skólastarfið.

Skólaráð er skipað níu einstaklingum til tveggja ára í senn, tveimur fulltrúum kennara, einum fulltrúa annars starfsfólks skólans, tveimur fulltrúum nemenda og tveimur fulltrúum foreldra, auk skólastjóra sem stýrir starfi skólaráðs og ber ábyrgð á stofnun þess. Skólaráð velur auk þess einn fulltrúa grenndarsamfélags til að sitja í ráðinu. Kosið er í skólaráð á aðalfundi Foreldrafélags Fossvogsskóla sem haldinn er í lok apríl. Aðstoðarskólastjóri skólans ritar fundargerðir skólaráðs sem birtar eru á heimasíðu.

Foreldrafélag Fossvogsskóla (FFF)

Við í Fossvogsskóla erum stolt af því öflugra starfi sem fram fer á vegum foreldra og vitum að gott samstarf heimila og skóla er ein af forsendum góðs skólastarfs. Í Fossvogsskóla hefur foreldrafélag verið starfandi frá árinu 1976. Félagar í því eru allir foreldrar/forráðamenn nemenda í skólanum. Meginmarkmið félagsins er að vinna að heill og hamingju nemenda skólans og styrkja skólann í hvívetna. Foreldrafélagið hefur yfirumsjón með starfi bekkjarfulltrúa.

Samkvæmt lögum um grunnskóla nr. 91/2008 setur foreldrafélagið sér starfsreglur, m.a. um kosningu í stjórn félagsins og kosningu fulltrúa í skólaráð.

Bekkjarfulltrúar

Hlutverk bekkjarfulltrúa er að stuðla að auknu samstarfi foreldra, kennara og nemenda innan bekkjarins. Kjósa tvo bekkjarfulltrúa fyrir hverja bekkjardeild því að þá hafa þeir stuðning hvor af öðrum.

Verkefni bekkjarfulltrúa

Hann er tengiliður umsjónarkennarans við foreldrana.

Hann ræðir við bekkjarkennara um námið og gang mála í bekknum.

Hann aðstoðar kennara við að skipuleggja þátttöku foreldranna í skólastarfinu

Hann er tengiliður foreldranna við kennarann.

Hann gætir hagsmuna nemenda og foreldra ef eitthvað kemur upp á í bekknum.

Hann aðstoðar við að kynna nýjum nemendum og foreldrum þeirra skólann.

Hann er tengiliður foreldranna innbyrðis.

Hann hefur frumkvæði að því að sem flestir foreldrar séu virkir í bekkjarstarfinu.

Hann sér um að safnað sé í bekkjarmöppu gögnum um foreldrastarfið í bekknum.

Hann er tengiliður bekkjarins við fulltrúaráð eða foreldrafélög skólans.

Hann hlustar eftir sjónarmiðum nemenda.

Hann undirbýr val á eftirmanni sínum og miðlar upplýsingum til hans.

HELSTU VERKEFNI FORELDRAFÉLAGSINS

- Í lok nóvember er jólaföndur í umsjón foreldrafélagsins
- Hefur yfirumsjón með starfi bekkjarfulltrúa.
- Foreldrafélagið hefur árlega staðið fyrir mjög metnaðarfullri vorhátíð.
- Á öskudegi er skóli fram að hádegi. Fossvogsskóli er í samvinnu við foreldrafélagið að undirbúa heimsóknir barna á heimili hverfisins á milli klukkan 17 – 19.
- Foreldrafélagið stendur fyrir bingói í skólanum á haustin og er því þrískipt, 1.-2. bekkur saman, 3.-4. bekkur og 5.-7. bekkur.
- Fulltrúi foreldra situr í umhverfisnefnd skólans.

Við viljum hvetja foreldra til að láta börn sín ganga í og úr skóla. Fossvogsskóli er lýðheilsuskóli. Hreyfingin er holl og ferska loftið er hressandi fyrir börnin. Ef nauðsynlegt er að aka nemendum í skólann eru foreldrar beðnir um að sýna sérstaka tillitssemi þar sem flestir nemendur ganga í skólann. Nemendur eru hvattir til þess að sýna aðgæslu á leið sinni í og úr skóla, nota gangbrautir og gangstíga og bera endurskinsmerki þegar dimmt er.